

# Vun driweriver

---

erscheint auf [www.lenauheim.de](http://www.lenauheim.de)

monatliche  
Erscheinung

November 2020

von *Helen Alba*

## Un zum „Trink mer mol!“

De Vetter Kloos is e ordentlicher, fleissicher un gemietlicher Schwob. Noh fascht 50 Arweitsjohre is er endlich in Rente getret. Doch er ruht ach jetzt nit. In dere Blockwohnung halt der Mann es Ruhe nit lang aus. Er geht inkaafe, spaziere, tut helfe beim Koche und doch sin die Täch nit ausgefüllt. Drum trifft er sich oft mit Kumrade, sie spille im Park Karte oder Schach. Un wie des schun is, manchmol git dann ach gepippelt un de Kloos vergesst, dass sei Weib derhem uf ne warte tut.

Un die Bäsl Liss wär jo in großem Ganze zufriede mit ihrem Kloos. Doch weil der jo nimi de Jingschte is, weger mancher Krankheit Pille schlicke tut, hat se immer mit de Ängschter zu tun, dass er mol wieder nit nee saan kann un zur Bier- oder Rakiflasch greift. Derhem jo nit, do git des Weib schun owacht. Doch mit de Kumrade, do kanns jo vorkumme!

Jeder vun de zwaa Leit hat sei Händitefon. Un so hat die Bäsl Liss sich angewehnt, immer anzurufe, wann de Kloos ausser Haus is. Un wanns mol meh wie zwaa Stunde daure tut, kriet des Weib immer Herzkloppe, er kennt wieder mol was trinke. Es kummt jo genuch selten vor, doch es passiert.

Doneilich han die zwaa sich morjets vorghol, dass se geger Owet mitm Auto in so e Supermark inkaafe fahre. De Vetter Kloos hat an sellem Tach e Treffe ghat, derhem bei eem anre Kulleger. Es war grad geger 11 Uhr, wie die Bäsl Liss denkt, hoppla, ich muss anrufe. Nit dass der amend jetzt vor Mittach e Stampl trinke tut. Gsaat un gemacht. De Kloos hat geantwort, gar ke Red vun so was, er kummt gleich hem zu Mittach esse. Un wie der dann do war saat er: „Weib, heit han mich alli ausgelacht. De Pheder hat grad de Raki ingschenkt, mir hewe es Glas, tun tickse un was menscht? Do rappelt mei Telefon. Erscht han ich gar nit antworte wille. Doch demonent han ich es Stampl uf de Tisch gstellt un gsaat: Pheder, du muscht heit zwaa Stample trinke. Mei Weib macht mich druf ufmerksam, dass ich Auto fahre muss!“